



Broj: JN1-03-16-7-8-14/23
Sarajevo, 27.11.2023. godine

Na osnovu člana 69. stav (3) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22), Kolegij Sekretarijata donosi:

ODLUKU
o otkazivanju postupka javne nabavke usluga Work Flow Management System
za potrebe Parlamentarne skupštine Bosne i Hercegovine

I

Otkazuje se postupak javne nabavke usluga uspostavljanja Work Flow Management System za potrebe Parlamentarne skupštine Bosne i Hercegovine, pokrenut Odlukom broj :JN1-03-16-7-8/23 od 07.06.2023. godine, iz razloga koji su bili van kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Shodno tenderskoj dokumentaciji, broj: JN1-03-16-7-8-5/23 od 28.07.2023. godine, procijenjena vrijednost javne nabavke iznosi 150.000,00 KM sa PDV-om i provedena je putem otvorenog postupka za javnu nabavku usluga. Obavještenjem o nabavci, broj: 166-1-2-12-3-30/23 od 01.08.2023. godine, javna nabavka je objavljena na Portalu javnih nabavki.

III

Ova Odluka stupa na snagu danom donošenja.

Obrazloženje

U skladu sa zahtjevom IT sektora za nabavkom predmetne usluge, Planom javnim nabavki Parlamentarne skupštine Bosne i Hercegovine za 2023. godinu te Odlukom o pokretanju postupka javne nabavke usluga uspostavljanja Work Flow Management System za potrebe Parlamentarne skupštine BiH, broj: JN1-03-16-7-8/23 od 07.06.2023. godine, odobreno je pokretanje postupka predmetne javne nabavke sa ukupnom procijenjenom vrijednošću u iznosu od 150.000,00 KM sa PDV-om.

Predmetna nabavka je obavještenjem o nabavci broj: 166-1-2-12-3-30/23 objavljena na Portalu javnih nabavki dana 01.08.2023. godine, te dopisom broj : JN1-03-16-7-8-6/23 od 01.08.2023. godine, dostavljena na objavu u Službeni glasnik BiH.

Protekom zakonskog roka za dostavljanje ponuda, Zapisnikom o zaprimanju ponuda, broj: JN1-03-16-7-8-7/23 od 25.08.2023. godine i Zapisnikom o otvaranju ponuda, broj: JN1-03-16-7-8-8/23 od 25.08.2023. godine, konstatovano je da je blagovremeno zaprimljena jedna ponuda ponuđača ORKA d.o.o. Sarajevo te da nije bilo neblagovremenih ponuda.

Pregledom i ocjenom pristigle ponude, Zapisnikom o pregledu i ocjeni ponuda broj : JN1-03-16-7-8-10/23 od 05.09.2023. godine, Komisija za javnu nabavku utvrdila je da je ponuda ponuđača prihvatljiva te da ispunjava sve uslove iz tenderske dokumentacije Ugovornog organa te je na prijedlog Komisije donesena Odluka o izboru najpovoljnijeg ponuđača, broj: JN1-03-16-7-8-11/23 od 07.09.2023. godine. ista je dostavljena izabranom ponuđaču dana 11.09.2023. godine.

Dana, 11.09.2023. godine, Kolegiju Sekretarijata Parlamentarne skupštine BiH dostavljen je dopis od strane Admira Kulića, direktora firme CloudIT d.o.o. Sarajevo, koja je bila podizvođač u provođenju ranijeg sistema, u kojem se navodi da Parlamentarna skupština BiH već raspolaže sa sistemom koji je bio predmetom nabavke u ovom postupku te da nije potrebna dodatna nabavka istog. Po zaprimljenoj informaciji Kolegij Sekretarijata je angažovao vještačenje predmetnih sistema od strane sudskih vještaka IT struke te je dalje provođenje postupka obustavljeno do okončanja i prikupljanja odgovarajućih nalaza i mišljenja.

S tim u vezi, Kolegiju sekretarijata Parlamentarne skupštine Bosne i Hercegovine, dostavljen je elaborat angažovanog Društva za vještačenja i procjenjivanja "Vještak," d.o.o. Mostar, od 03.11.2023. godine, u kojem je nakon detaljne analize tehničke dokumentacije, donesen zaključak da se tehnička specifikacija, koja je sastavni dio tenderske dokumentacije za javnu nabavku sistema Work Flow Managment System, preklapa u jako velikom broju tehničkih elemenata, tj. da je ta kompatibilnost široko raspostranjena po svim ključnim tehničkim cjelinama odnosno modulima postojećeg sistema. Obzirom na navedeno, društvo "Vještak" d.o.o. Mostar **nije dalo** preporuku Kolegiju sekretarijata Parlamentarne skupštine za zaključivanje ugovora o javnoj nabavci usluga Work Flow Managment System.

Nadalje, IT sektor je zatražio internu reviziju predmetne nabavke te je interni revizor predložio angažman još jednog vještaka IT struke, a na što je Kolegij Sekretarijata dao saglasnost.

U drugom pribavljenom nalazu, vještak IT struke u svom IKT nalazu iznosi mišljenje da je evidentno da tenderska dokumentacija koja je predmet ranije nabavke, a koja još nije implementirana, tehnički napredniji sistem od onog koji se nalazi u tenderskoj dokumentaciji nabavke Work Flow Managment System. Funkcionalnosti koje se referenciraju na DMS i Work Flow Managment System se već nalaze u ECM i BPM sistemima koji su spomenuti u prethodnoj tenderskoj dokumentaciji. Shodno navedenom, vještak donosi zaključak **da postoji znatna korelacija funkcionalnosti** unutar dvije tenderske dokumentacije koje su bile predmetom vještačenja.

Iz navedenih razloga, i gore dostavljenih mišljenja i zaključaka relevantnih vještaka IT struke utvrđeno je da postoje objektivni i dokazivi razlozi izvan uticaja ugovornog organa a koji se nisu mogli predvidjeti u ranijoj fazi postupka javne nabavke te su se stekli zakonski uslovi za otkazivanje postupka javne nabavke.

Imajući u vidu navedeno, kao i odredbu člana 69. stav (3) važećeg Zakona o javnim nabavkama, odlučeno je kao u dispozitivu Odluke.

Pouka o pravnom lijeku:

Protiv ove odluke može se izjaviti žalba Ugovornom organu u pisanoj formi direktno ili preporučenom poštanskom pošiljkom u roku od 10 (deset) dana od dana prijema ove odluke u dovoljnom broju primjeraka, koji ne može biti manji od 3 (tri).

KOLEGIJ SEKRETARIJATA

Mirza Imamović _____

Gordana Živković _____

Marin Vukoja _____

DOSTAVLJENO:

- ORKA d.o.o. Sarajevo
- Sektoru za finansije
- a/a